

ipfas tantum, sine respectu eorum, quos representant in cœlo, peccat mortaliter.

Qui fingit, parat, tenet ita lasciuas & inhonestas imagines, ut probabile sit moturas alios ad turpia, peccat mortal. Item qui portat, vel habet imagines opprobriosas Deo, Sanctis, Summo Pontifici, personis ecclesiasticis, vel fidei, peccat mortaliter.

33 Qui aliquid futurum, vel arcanum credit, quia aliquid somniauit propter expressam, aut tacitam demonis inuocationem, peccat mort. Similiter qui ob somnium aliquid facit contra salutem animæ.

34 Qui consulunt, fingunt, vel portant certa spe quædam nomina scripta ad aliquid habendum, vel fugiendum, p. m. quia talia nomina nullam vim habent, nisi simpliciter portent verba scripturæ ob deuotionem. Similiter & qui viuunt superstitiose in actionibus suis; potest tamen ignorantia, & simplicitas excusare a peccato.

35 Qui aliquos versus scriptos in die Ascensionis, tali hora gestat, credens minorem virtutem habituros, si alio die, vel hora scripti fuissent. Similiter herbas collectas in die Diui Ioannis vel alterius sancti vel in alio festo, vel hora, qui credit habere virtutem. Similiter qui gestat reliquias sacras modo superstitioso, ut si in vase trigono, vel rotundo, peccat mortal, nisi ignorantia, vel simplicitas excuset. Item mulieres, vtentes signis, benedictionibus, & orationibus licitis sine superstitione, & vanitate, ut obtestantes per passionem Christi, huiusmodi non peccant, prefer-